

ADRODDIAD CHWARTEROL I'R CABINET : BWRDD RHAGLEN CYNLLUN YMATEB
YR ATHRO SALLY HOLLAND: CADEIRYDD Y BWRDD RHAGLEN
DYDDIAD: 8 GORFFENNAF 2025

Cyflwyniad

Mabwysiadwyd Cynllun Ymateb gan Gabinet Cyngor Gwynedd ym mis Ionawr 2025 i goladu'r holl gefnogaeth, adolygiadau, archwiliadau a ffrydiau gwaith eraill yn ymwneud â'r ymateb i droseddu yr gan y Pennaeth Ysgol, Neil Foden.

Amcanion

Nodwyd chwe phrif amcan ar gyfer y Cynllun hwn pan gafodd ei gyflwyno i'r Cabinet ym mis Ionawr 2025. Mae seithfed amcan ychwanegol o 'atebolrwydd' wedi cael ei fabwysiadu gan y Bwrdd ers hynny ac efallai y bydd amcanion ychwanegol wrth i'r sefyllfa ddod yn gliriach ar ôl i adolygiadau ac ymchwiliadau gael eu cwblhau dros amser.

1. **Cydnabod** yn agored a chyhoeddus na ddylai y fath droseddau fyth fod wedi digwydd ac na ddylai yr un plentyn oddef y fath brofiadau.
2. **Ymddiheuro** yn ddiidwyll i'r dioddefwyr a goroeswyr a'u teuluoedd am yr hyn y maent wedi gorfod ei ddioddef.
3. **Cefnogi** y dioddefwyr a goroeswyr, yr ysgol a'r gymuned ehangach i geisio adfer eu sefyllfa.
4. **Sefydlu** holl ffeithiau yr achos, yr hanes o amgylch y sefyllfa a'r cyd-destun ehangach.
5. **Dysgu** yr holl wersi a gaiff eu hadnabod fel rhan o gasgliadau ac argymhellion pob ymchwiliad.
6. **Gwella** drwy ymateb yn gyflawn a chyflym i bob casgliad ac argymhelliad gyda'r nod o roi hyder i'r cyhoedd ein bod yn gwneud popeth posib i sicrhau na fydd neb yn dioddef yn yr un modd fyth eto.
7. **Atebol** drwy fod yn agored ac yn dryloyw am ein cynnydd gwelliant ac ymrwymo i fesur effaith y newidiadau rydym yn eu rhoi ar waith.

Bwrdd Rhaglen Cynllun Ymateb – Cylch Gorchwyl

Comisiynwyd y Cabinet y Prif Weithredwr, Dafydd Gibbard, i wneud trefniadau i weithredu cynnwys y Cynllun Ymateb hwn gan gynnwys sefydlu Bwrdd Rhaglen penodol ac i adrodd cynnydd i'r Cabinet yn rheolaidd.

Cefais fy mhenodi gan y Prif Weithredwr i ymgymryd â rôl y Cadeirydd Annibynnol ym mis Chwefror 2025. Rwy'n Athro Gwaith Cymdeithasol yng Nghanolfan Ymchwil a Datblygu Gofal Cymdeithasol Plant (CASCADE) ym Mhrifysgol Caerdydd ac yn gyn-Gomisiynydd Plant Cymru (2015-2022).

Mae Bwrdd y Rhaglen Cynllun Ymateb wedi'i sefydlu ers hynny ac mae'n cynnwys Aelodau'r Cabinet, Swyddogion o Gyngor Gwynedd, cynrychiolwyr o Ysgol Friars a Chynrychiolwyr Allanol/Arsylwyr Gweithredol gan gynnwys cynrychiolwyr o Estyn, Arolygiaeth Gofal Cymru, Llywodraeth Cymru, Comisiynydd Plant Cymru a'r Bwrdd Diogelu Rhanbarthol (Gweler **Atodiad 1** – Cylch Gorchwyl). Mae'r cylch gorchwyl llawn yn parhau i gael eu hadolygu i sicrhau bod cynrychiolaeth cywir o gwmpas y bwrdd a fo'r Bwrdd Ymateb yn gweithio'n effeithiol. Rwy'n ddiolchgar i bawb am gymryd yr amser i ystyried cynnwys a chyfeiriad y rhaglen waith ac am eu cyfraniad parhaus i'r gwaith pwysig hwn.

Ychwanegiad pwysig i'r Cylch Gorchwyl oedd cytundeb y gall y Bwrdd Rhaglen goladu arsylwadau a phwyntiau dysgu sydd â goblygiadau y tu hwnt i Wynedd, a bydd yn adrodd am y rhain i'r awdurdodau cenedlaethol priodol – rhai ohonynt yn cael eu cynrychioli ar y Bwrdd.

Diwygiad pellach yw y bydd y cynrychiolwyr allanol yn cwrdd bob chwarter cyn y Bwrdd i drafod cynnydd y Cyngor, a chwestiynau allweddol sy'n codi. Yn y modd hwn, rwy'n anelu at sicrhau bod y Bwrdd yn cadw cydbwysedd pwysig rhwng rhoi cyngor a her.

Byddaf yn adrodd bob chwarter i Aelodau'r Cabinet ar gynnydd cynllun gwaith y Bwrdd Ymateb, a gweithrediad y Bwrdd Ymateb. Dyma'r cyntaf o adroddiadau o'r fath.

Amserlenni

Mae amserlenni wedi'u trafod gydag aelodau'r Bwrdd ar ôl ei sefydlu a chytunwyd y dylai'r Bwrdd barhau i gyfarfod nes bod yr holl gamau gweithredu yn y cynllun ymateb wedi'u cwblhau ac aelodau'r Bwrdd yn fodlon bod tystiolaeth mewn perthynas â'r mesurau effaith rhestredig yn dangos effeithiolrwydd y camau gweithredu hyn.

Fel Cadeirydd, byddaf yn adolygu amserlenni tebygol y Bwrdd Ymateb yn Hydref 2025, pan fydd cymhlethdod a graddfa'r gwaith sydd ei angen ar ôl cyhoeddi'r Adolygiad Ymarfer Plant wedi'i asesu, ac yn adrodd ar hyn i'r Bwrdd.

O ran gweithredu cynllun y Bwrdd, nodwyd ei bod yn hanfodol nad yw'r Cynllun Ymateb hwn nac unrhyw fater sy'n bwydo i mewn i unrhyw ran o'r Cynllun hwn yn tansilio unrhyw waith arall, megis yr Adolygiad o Arfer Plant a sefydlwyd gan Fwrdd Diogelu Gogledd Cymru dan gadeiryddiaeth Jan Pickles. Am y rheswm hwnnw, rwy'n parhau i gysylltu â Chadeirydd y Bwrdd Diogelu a Chadeirydd yr Adolygiad Amddiffyn Plant (CPR) yn barhaus yng nghylch gwaith fy rôl.

Cynnydd y Cynllun Ymateb

Ers sefydlu'r Bwrdd Rhaglen ym mis Chwefror 2025, cynhaliwyd pedwar cyfarfod a bu gohebiaeth reolaidd rhwng cyfarfodydd i sicrhau bod camau yn cael eu cymryd.

Gallaf adrodd bod Cyngor Gwynedd yn gwneud cynnydd cadarnhaol ar sawl un o'r ffrydiau gwaith yn y Cynllun Ymateb.

Fel Cadeirydd, rwyf wedi sylwi bod uwch swyddogion sy'n rhan o'r Bwrdd yn awyddus i wneud cynnydd gwirioneddol yn y meysydd gwaith y maent yn gyfrifol amdanynt, ac maent wedi dangos parodrwydd i glywed a gweithredu ar gyngor aelodau allanol a gweddill y Bwrdd. Yn fy asesiad mae ymrwymiad i ddysgu a gwneud newidiadau ystyrlon. Mae yna hefyd gydnabyddiaeth na fydd hon yn broses gyflym neu hawdd.

Mae sawl ychwanegiad a diwygiad wedi'u gwneud i'r Cynllun Ymateb ar gyngor y Bwrdd Ymateb ers iddo gael ei gyflwyno i'r Cabinet ddiwethaf. Newidiadau sylweddol yw:

- Rhoddir mwy o bwyslais yn cael ei roi ar geisio barn a phrofiadau plant a phobl ifanc yn rheolaidd ar lefel yr ysgol a'r sir.
- Mesurau yn cael eu hychwanegu at bob un o'r ffrydiau gwaith fel y gellir mesur effaith pob ffrwd gwaith, yn ansoddol ac yn feintiol.

Mae cynnydd cadarnhaol eisoes wedi'i wneud ar sawl un o'r ffrydiau gwaith gyda 32 allan o 63 o'r tasgau wedi'u cwblhau. Mae hyn yn cynnwys derbyn ac ymateb i argymhellion bargyfreithiwr diogelu arbenigol (Adroddiad 2019) sy'n garreg filltir allweddol ac yn debygol o fod yn un o'r agweddau mwyaf heriol hyd yma. Yn dilyn trafodaeth yng nghyfarfod y Bwrdd ym mis Mai, rwy'n fodlon bod y Cyngor wedi gwneud cynllun addas i ymateb i'r argymhellion yn yr adroddiad hwnnw.

Rwy'n rhagweld y bydd pwynt sylweddol yn cael ei gyrraedd yn y cynllun gwaith pan fydd argymhellion CPR yn cael eu cyflwyno i'r Bwrdd ym mis Medi 2025. Mae'n debygol y bydd ychwanegiadau a diwygiadau sylweddol i'r Cynllun Ymateb presennol yn dilyn hyn.

Er bod y Cabinet wedi rhoi awdurdod i'r Prif Weithredwr sefydlu a threfnu adnoddau dros dro a'r capasiti staffio angenrheidiol i wireddu cynnwys y Cynllun hwn, mae adnoddau yn parhau i fod yn un o'r prif heriau ac

rwyf wedi cael gwybod bod trafodaethau parhaus gyda Llywodraeth Cymru ynglŷn â hyn. Rhagwelir y bydd y mater o adnoddau digonol yn dod yn fwy amlwg yn dibynnu ar yr argymhellion sy'n deillio o'r adolygiad CPR.

Bydd y Bwrdd yn parhau i sicrhau bod cynllun cyfathrebu clir ar waith er mwyn diweddarau pawb sy'n gysylltiedig - yn bwysicaf oll y dioddefwyr a'r goroeswyr, eu teuluoedd a'r gymuned ehangach, yn ogystal ag aelodau etholedig a rhanddeiliaid allweddol eraill. Mae craffu ar y cyfryngau wedi bod yn arwyddocaol hyd yma ac mae cynrychiolwyr Gwynedd wedi gweld gwerth mewn cynnal sesiynau briffio gyda'r cyfryngau er mwyn sicrhau bod deialog onest o ran y negeseuon yn cyrraedd y cyhoedd ehangach. Mae ymwybyddiaeth barhaus o'r angen i sicrhau'r cydbwysedd cywir rhwng diogelu'r dioddefwyr a'r goroeswyr a'r angen i ddiweddarau'r cyhoedd ar faterion sy'n codi.

Wrth edrych ymlaen, rwy'n hyderus y bydd y Bwrdd yn gallu llywio'r cynllun gwaith sy'n esblygu a chwarae rhan wrth sicrhau bod argymhellion yn cael eu cyflawni.

Diweddariadau ffrydau gwaith

Mae'r Cynllun Ymateb yn gynllun gwaith sy'n cael ei adolygu'n rheolaidd gan y Bwrdd. Mae'n cynnwys llawer o dasgau ac is-dasgau ac mae'n dilyn pedair ffrwd waith allweddol gan gynnwys;

Ffrwd Waith A	Cefnogi'r dioddefwyr a'r goroeswyr	Gwneud popeth o fewn ein gallu i gefnogi'r dioddefwyr a'r goroeswyr. Sefydlu perthynas ofalgar â'r dioddefwyr a'r goroeswyr a sicrhau bod y Cyngor a'r dioddefwyr a'r goroeswyr "ar yr un ochr"
Ffrwd Waith B	Sicrhau bod gennym y trefniadau diogelu gorau posibl heddiw fel bod gan y cyhoedd ymddiriedaeth a hyder ynddynt.	Sicrhau bod ein trefniadau diogelu yn gadarn ac o'r safon orau bosibl
Ffrwd Waith C	Sefydlu beth sydd wedi digwydd, dysgu a gwella	Gwneud popeth posibl i sicrhau ein bod yn deall yr hyn sydd wedi digwydd yn llawn ac wedi nodi unrhyw wendidau. Cofleidio a gweithredu'r argymhellion er mwyn dysgu a gwella.
Ffrwd Waith Ch	Cefnogi a sefydlogi Ysgol Friars	Sicrhau bod y safon addysg bresennol yn parhau i gael ei chynnal, bod staff yn hyderus a bod arweinyddiaeth Corff Llywodraethol yr ysgol yn sefydlog ac yn effeithiol.

Mae gan y Pwyllgor Craffu Addysg a'r Economi rôl allweddol hefyd wrth barhau i graffu ar y Cynllun fel rhan o'u rhaglen waith.

Bydd camau gweithredu yn cael eu monitro'n agos o fewn y Cynllun Ymateb ac maent wedi'u rhannu'n ddau gategori;

- Camau gweithredu a oedd â chyfyngiad amser o ran natur, a gwblhawyd ac a gaewyd
- Camau gweithredu sydd wedi arwain at newidiadau i arferion a fydd yn parhau ac yn dod yn rhan annatod o waith yr awdurdod lleol.

Bydd hyn yn adeiladu dros amser i mewn i gofnod parhaus a fydd yn ffurfio cofnod o newidiadau wedi'u hymgorffori ac ymdrechion diogelu parhaus sy'n deillio o'r cynllun ymateb.

Ar hyn o bryd mae 63 o dasgau ar y rhaglen waith ac maent yn amrywiol o ran lefel blaenoriaeth a natur yr amserlenni. Mae 32 o'r rhain wedi'u cwblhau, mae 24 naill ai'n cael eu gweithio arnynt neu maent yn gynamserol a bydd 5 yn cael eu cario drosodd fel camau gweithredu parhaus.

Bydd camau gweithredu sy'n barhaus ac wedi'u hintegreiddio i waith rheolaidd Cyngor Gwynedd yn cael eu casglu a'u hadrodd yn y gyfres hon o ddiweddariadau chwarterol. Mae'r canlynol wedi'u rhestru ar hyn o bryd fel camau gweithredu parhaus a fydd yn dod yn rhan annatod o waith yr awdurdod lleol i sicrhau effaith hirdymor;

1. Cynnig parhaus o gefnogaeth i'r dioddefwyr a'r goroeswyr gydag arweiniad parhaus trwy'r Gweithwyr Cefnogol a sefydliadau arbenigol, e.e. Canolfan Cymorth Trais a Cham-drin Rhywiol Gogledd Cymru (RASASC Gogledd Cymru).
2. Ailstrwythuro a sefydlu gwasanaeth Diogelu a Lles Ysgolion Gwynedd
3. Ymweliadau i fonitro a chefnogi trefniadau diogelu ar gyfer ysgolion unigol yn flynyddol.
4. Hyfforddiant a chefnogaeth i Lywodraethwyr.
5. Parhau i wella perfformiad er mwyn cydymffurfio â'r dyddiadau cau statudol ar gyfer ymateb i geisiadau Rhyddid Gwybodaeth.

Dyma restr o gerrig milltir allweddol yn y Cynllun Ymateb dros y chwarter cyntaf hwn. Mae'r cerrig milltir hyn yn cynnwys yr argymhellion o Adroddiad Adolygiad Diogelu Bargyfreithiwr (2019), a dderbyniodd Cyngor Gwynedd yn ddiweddar ac maent bellach yn mynd i'r afael a rhain.

- a) **Argymhellion o adroddiad adolygiad diogelu'r Bargyfreithiwr (2019)** – Comisiynodd Cyngor Gwynedd fargyfreithiwr annibynnol sy'n arbenigo mewn diogelu ymchwiliadau i gynnal ymchwiliad i'r digwyddiadau penodol yn 2019 a amlygwyd yn ystod treial troseddol Neil Foden. Mae'r gwaith manwl hwn bellach wedi'i gwblhau a'r argymhellion canlynol wedi'u nodi;
 1. **Trefniadau ar gyfer ymchwilio i bryderon diogelu** – Bydd y Cyngor yn rhoi trefniadau ar waith ar gyfer delio â phryderon nad ydynt yn cyrraedd y trothwyon diogelu plant ffurfiol ac mae'n manteisio ar y cyfle i greu system newydd a allai fod o fudd i'r maes pwysig hwn.
 2. **Cadw cofnodion** – Er bod y Bargyfreithiwr wedi nodi arfer da o ran cadw cofnodion o gyfarfodydd, nodwyd cyfleoedd ar gyfer gwelliannau hefyd. O ganlyniad, mae trefniadau cadw cofnodion ar gyfer materion diogelu ar draws yr Awdurdod yn cael eu cryfhau a system rheoli cadw cofnodion ganolog yn cael eu rhoi ar waith. Yn ogystal, mae'r elfen cadw cofnodion o fewn hyfforddiant diogelu staff hefyd yn cael ei chryfhau.
 3. **Chwythu'r chwiban** – Mae trefniadau chwythu'r chwiban ar gyfer staff ar draws y sefydliad yn cael eu cryfhau.
 4. **Hyfforddiant diogelu** – Er bod staff yn Adrannau Plant ac Addysg y Cyngor eisoes yn derbyn lefel uwch o hyfforddiant diogelu, mae trefniadau bellach ar waith i sicrhau bod yr holl staff ym mhob adran yn derbyn hyfforddiant perthnasol.
 5. **Polisi diogelu ysgolion** – Mae camau yn cael eu cymryd i gryfhau'r gweithdrefnau i staff ysgol eu dilyn mewn achosion diogelu heriol, gan gynnwys pryd i rannu gwybodaeth â chyrrff llywodraethu.
- b) **Adroddiad Archwilio Rhyddid Gwybodaeth** - Roedd y Comisiynydd Gwybodaeth wedi cael ei gomisiynu gan Gyngor Gwynedd i gynnal archwiliad penodol i drefniadau ymateb. Derbyniwyd adroddiad ac mae cydnabod bod lefel o sicrwydd eisoes ar waith gyda staff profiadol yn ymdrin â cheisiadau, a chanllawiau a dogfennau eisoes ar waith. Mae rhywfaint o le i wella a bydd cynllun gwaith manwl yn cael ei roi ar waith i fynd i'r afael â'r argymhellion sy'n codi, gan gynnwys gwella cyfraddau ymateb i geisiadau rhyddid gwybodaeth a darpariaeth hyfforddiant. Bydd y cynllun gwaith yn cael ei dderbyn a'i drafod mewn cyfarfod o'r Bwrdd yn y dyfodol.
- c) **Trefniadau yn Ysgol Friars** - Mae Margaret Davies wedi dechrau yn y rôl fel Pennaeth Dros Dro Ysgol Friars ers y Pasg ac wedi sicrhau cefnogaeth i geisio darparu sefydlogrwydd yn yr ysgol o ran y lefelau staffio a chefnogaeth i'r uwch dîm rheoli. Mae Margaret yn aelod o'r Bwrdd a bydd yn adrodd i'r Bwrdd ar gynnydd yn yr ysgol. Mae nifer o faterion yn y ffrwd waith hon sy'n debygol o gymryd amser i'w gweithredu a byddant yn parhau i fod yn gamau gweithredu parhaus. e.e. llywodraethu ysgolion, y cwricwlwm a sicrhau bod llais a phrofiad dysgwyr yn cael eu clywed.

Cerrig milltir disgwylidig:

- d) **Adolygiad o'r ymateb i adroddiad gan Banel Cwynion Annibynnol yn 2019** – disgwylir yr adroddiad llawn cyn diwedd y tymor hwn.
- e) **Adolygiad Ymarfer Plant** - Mae AYP statudol yn cael ei gynnal gan y Bwrdd Diogelu Gogledd Cymru, sy'n annibynnol ar Gyngor Gwynedd. Rhagwelir y bydd y ffrwd gwaith yn mabwysiadu'r argymhellion hyn ar ôl eu cyhoeddi ym mis Medi 2025.
- Nodyn - Mae'r holl ddogfennaeth berthnasol, e.e. yr argymhellion o adroddiad adolygiad diogelu'r Bargyfreithiwr (2019) wedi'u rhannu gyda'r Adolygiad Ymarfer Plant gan y rhagwelir y gallai argymhellion tebyg ddeillio o wahanol ymchwiliadau.

Mesur Effaith

Bydd y Bwrdd yn parhau i fonitro a mesur effaith pob un o'r ffrydiau gwaith, gan sicrhau eu bod yn cyd-fynd ag amcanion strategol ac yn cyflawni canlyniadau ystyrlon i rhanddeiliaid. Mae'r mesurau canlynol wedi'u cynnig ond yn parhau i gael eu hadolygu yn seiliedig ar argymhellion gwahanol adroddiadau.

Llif gwaith	Teitl	Mesurau
A	Cefnogi'r dioddefwyr a'r goroeswyr	a. Cwblhau pob tasg waith b. Ymateb gan y dioddefwyr a'r goroeswyr trwy'r gweithwyr cymorth
B	Sicrhau bod gennym y mesurau diogelu gorau posibl heddiw fel bod gan y cyhoedd ymddiriedaeth a hyder ynddynt.	a. Cwblhau pob tasg waith b. Arolygiadau Blynnyddol yr Adran Addysg - % ysgolion a arolygwyd ac sy'n cydymffurfio c. Arolygiadau Ysgolion Estyn - % o ysgolion sy'n arddangos diwylliant diogelu priodol d. Adborth ar foddhad gyda chefnogaeth ar drefniadau diogelu mewn ysgolion gan Fforwm Penaethiaid Gwynedd a Fforymau Ieuenctid Gwynedd.
C	Ymchwilio, dysgu a gwella	a. Cwblhau pob tasg waith b. Mesur perfformiad - Ceisiadau rhyddid gwybodaeth c. Adolygu ac adolygu effaith y mesurau ar gyfer y ffrwd waith hon yn dilyn canfyddiadau pob adolygiad neu ymchwiliad
Ch	Cefnogi a sefydlogi Ysgol Friars	a. Cwblhau pob tasg waith b. Canlyniadau SHRN (Rhwydwaith Ymchwil Iechyd Ysgolion) - Mesur hyder dysgwyr hunan-adroddedig mewn cwestiynau perthnasol yn y flwyddyn ysgol 2025-26 o'i gymharu â'r llinell sylfaen yn 2023-4. Mae canlyniadau wedi dylanwadu ar ymagwedd ysgol gyfan at iechyd a lles' c. Adborth o gyfarfodydd gyda'r Cyngor Ysgol e. Adborth gan Gynrychiolwyr yr Undeb f. Holiaduron gyda gwahanol randdeiliaid yr Ysgol

Sylwadau Cloi

Ers i'r Cynllun Ymateb gael ei fabwysiadu gan y Cabinet ym mis Ionawr 2025, rwy'n fodlon bod cynnydd wedi'i wneud ar draws pob un o'r ffrydiau gwaith, gan gynnwys gwelliannau i drefniadau monitro ar gyfer mesurau diogelu mewn ysgolion a chychwyn nifer o ymchwiliadau.

Er gwaethaf hyn, mae gwaith sylweddol o hyd i sicrhau bod y safonau uchaf o amddiffyn plant ar waith a bydd y Bwrdd yn parhau â'i waith manwl o graffu a rhoi cyngor i sicrhau bod Cyngor Gwynedd yn cyflawni hyn.

Er y gall y Cynllun Ymateb ymddangos yn ffurfiol ei natur, ni allwn anghofio am eiliad am y rhai pwysicaf yng nghanol hyn, sef y merched a ddylai fod wedi bod yn ddiogel yn eu hysgol. Holl bwrpas y Cynllun Ymateb hwn a phob camau a gymerwn yw gwneud popeth posibl i atal troseddau o'r fath rhag cael eu cyflawni gan bersonau mewn swyddi ymddiriedaeth yng Ngwynedd, a dylai hynny fod bob amser ar frig ein hystyriaethau.

Gwybodaeth bellach:

- [Bwrdd Diogelu Gogledd Cymru – Safeguarding children and adults across North Wales](#)
- [21.01.25 Cynllun Ymateb Adroddiad Cabinet C.pdf](#) a'r cynllun llawn ar gael yma: [Atodiad 1 - Cynllun Ymateb.pdf](#)

Anogir unrhyw aelodau o'r cyhoedd sydd â gwybodaeth newydd yn ymwneud â chamdriniaeth plant posib i gysylltu'n uniongyrchol â'r Heddlu neu ag Adran Gwasanaethau Cymdeithasol eu cyngor lleol.

Atodiad 1

CYLCH GORCHWYL – CYNLLUN YMATEB

Pwrpas:

1. Gwirio a herio cynnydd priodol ac amserol ar y 4 ffrwd waith sydd yn y Cynllun Ymateb.
2. Gwirio a herio fod cyflawniad y materion unigol o fewn pob ffrwd waith yn drwyadl a phriodol.
3. Adolygu cynnwys y Cynllun Ymateb wrth i'r sefyllfa ddatblygu, a sicrhau fod y Cynllun yn cael ei addasu i ymateb yn briodol ac amserol i argymhellion yr Adolygiad Ymarfer Plant.
4. Adrodd yn ôl i Gabinet y Cyngor yn rheolaidd ar gynnydd priodol ac amserol y ffrydiau gwaith.
5. Gall y Bwrdd Rhaglen goladu sylwadau a phwyntiau dysgu sydd â goblygiadau y tu hwnt i Wynedd, a bydd yn adrodd ar y rhain i'r awdurdodau cenedlaethol priodol - rhai ohonynt yn cael eu cynrychioli ar y Bwrdd hwn.

Trefniadau'r Cyfarfod:

- Lle bynnag y bo modd, trefnwch fod dirprwy addas o ran statws yn gallu adrodd ar eich rhan, os na allwch fod yn bresennol.
- Statws cofnodion a gwybodaeth a rennir yn y cyfarfod: cyfrinachol tan yn y parth cyhoeddus.
- Gofynnir i bob cyfranogwr ddatgan unrhyw fuddiant personol ar ddechrau pob cyfarfod os y bydd angen gwneud hynny
- Bydd aelodau allanol yn cyfarfod yn chwarterol am hanner awr cyn i'r cyfarfod ddechrau i drafod boddhad gyda chynnydd ac unrhyw gwestiynau y dymunwn eu codi. Bodd ysgrifennydd o Wynedd yn mynychu'r rhag-gyfarfod hwn a bydd nodiadau'n cael eu cymryd, er tryloywder.
- Bydd y rhan fwyaf o gyfarfodydd yn cynnwys un neu fwy o eitemau sylweddol fesul cyfarfod, megis edrych ar un ffrwd waith yn fanwl neu ystyried adroddiad (ee CPR).

Aelodaeth:

a. Cadeirydd:

- Sally Holland, Cadeirydd

b. Aelodau Etholedig:

- Nia Jeffreys (Arweinydd y Cyngor) – CYNG/COUN
- Menna Trenholme (Dirprwy Arweinydd y Cyngor) – CYNG/COUN
- Dewi Jones (Cyngorydd) – CYNG/COUN
- Llio Elenid Owen (Cyngorydd) – CYNG/COUN

c. Swyddogion:

- Dafydd Gibbard (Prif Weithredwr) - Tim Arweinyddiaeth
- Dylan Owen (Cyfarwyddwr Corfforaethol a Chyfarwyddwr Statudol Gwasanaethau Cymdeithasol) - Tim Arweinyddiaeth
- Geraint Owen (Cyfarwyddwr Corfforaethol) - Tim Arweinyddiaeth
- Gwern Ap Rhisiart (Pennaeth Adran Addysg) - Adran Addysg
- Ian Jones (Pennaeth Gwasanaethau Corfforaethol) - Adran Gwasanaethau Corfforaethol
- Nia Grisdale (Rheolwr Gwasanaeth Cyfreithiol) – Gwasanaeth Cyfreithiol
- Sharron Williams Carter (Pennaeth Cynorthwyol Cefnogi Teuluoedd) - Adran Plant a Chefnogi Teuluoedd
- Sion Gwynfryn Williams (Rheolwr Cyfathrebu ac Ymgysylltu) - Adran Gwasanaethau Corfforaethol
- Sarah Marion Jones (Arweinydd Tim Cyfathrebu) - Adran Gwasanaethau Corfforaethol
- Margaret Davies (Pennaeth Ysgol Friars)
- Rhian Parry Jones (Cynrychiolydd - Grŵp Cadeiryddion Pennaethiaid Ysgolion)

d. Cynrychiolwyr Allanol (Sylwedyddion Gweithredol):

- Dyfrig Ellis, Estyn
- Sian Roberts, Arolygiaeth Gofal Cymru
- Taryn Stephens, Llywodraeth Cymru
- Nicola Edwards, Llywodraeth Cymru

- Georgina Haarhoff, Llywodraeth Cymru
- Rocio Cifuentes, Swyddfa y Comisiynydd Plant
- Sara Jermin, Swyddfa y Comisiynydd Plant
- Rachel Thomas, Comisiynydd Plant
- Geraint Davies, Bwrdd Diogelu Rhanbarthol

Noder - Gall aelodaeth y Bwrdd ganiatáu hyblygrwydd i eraill i ymuno ar gyfer eitemau penodol (yn ddibynnol ar yr agenda).

Trefniadau Adrodd:

Bydd y Bwrdd Rhaglen Cynllun Ymateb i Droseddu yn adrodd i'r Cabinet unwaith pob chwarter ar ddatblygiad y ffrydiau gwaith.

Gall y Bwrdd Rhaglen goladu arsylwadau a phwyntiau dysgu sydd â goblygiadau y tu hwnt i Wynedd, a bydd yn adrodd am y rhain i'r awdurdodau cenedlaethol priodol.

Amserlen:

Bydd y Bwrdd Rhaglen yn parhau i gyfarfod nes bod yr holl gamau gweithredu yn y cynllun ymateb wedi'u cwblhau a bod aelodau'r Bwrdd yn fodlon bod tystiolaeth mewn perthynas â'r mesurau effaith a restrir yn dangos effeithiolrwydd y camau gweithredu hyn. Bydd y Cadeirydd yn adolygu'r amserlenni tebygol yn Hydref 2025, pan fydd cymhlethdod a graddfa'r gwaith sy'n ofynnol yn dilyn cyhoeddi'r Adolygiad Ymarfer Plant wedi'i asesu, ac yn adrodd ar hyn i'r Bwrdd.